

籌辦夷務始末

咸豐朝
卷十三之十四

THE
HISTORY
OF
THE
CITY
OF
NEW
YORK
FROM
1624
TO
1898
BY
JOHN
B. HOGAN
AND
JOHN
W. HOGAN
NEW
YORK
1898

籌辦夷務始末卷之十三
咸豐六年丙辰三月甲子伊犁將軍扎拉芬等奏前因
塔城民匪滋事於上年九月間將辦理不善之薩碧屯等
參處並令哈布齊賢等前往查辦緝犯驗骨各項事宜仰
承

聖諭均著照所擬辦理隨督飭委員催提各犯而塔城距伊較遠
至十二月間始據將原案徐添堯等十名解到督同委員
細心研鞫據徐添堯安玉賢均供因挾偷挖金砂被俄夷
告官驅逐並薩碧屯枷責之嫌安玉賢起意放火燒燬夷
圍貨物徐添堯起意將薩碧屯誣控並懷疑妄訴各情俱

不諱馬隆興。供認聽從放火。馬占彪。康得祿。何騰蛟。供稱知情。馬文棟。實係馬榮頂替。王宗浩。係李春雲頂替。李伏有。係張明頂替。馬榮。供未同行。李春雲。張明。均供搶有貨物。並據塔城將拏獲之楊春。曾士有。布音錫。郭長繼。劉榮升。五名。及庫爾喀喇烏蘇拏獲之田文元。王伏。李喜。王考娃子。四名。先後解到。楊春等。訊明係次日火滅後。檢拾殘物被獲。田文元。供認搶貨屬實。王伏。李喜。王考娃子。供稱並未在場。復據安玉賢等。供稱馬文棟。王宗浩。李伏有。皆係放大從犯。並有馬大漢。劉火頭。蘇沙兒。馬受。劉金孝。海生蓬等。現均咨拏。尚未到案。正在辦理間。奉到十二月十

一日

上諭。復派員提犯研訊。各供前情無異。查雅爾噶圖金廠。前於咸豐三年六月間。經前任塔爾巴哈台參贊大臣豐紳奏請試開。嗣因金苗不旺。出示停撤。該金夫等仍時往偷挖。經俄夷告知。派官兵前往驅逐數次。五年五月間。該金夫等糾聚多人。在薩碧屯署中滋鬧。薩碧屯將徐添義。安玉賢等。枷責釋放。該金夫等遂倡言要放火燒燬夷園貨物。安玉賢與馬隆興。楊興瑞。旋以俄夷搶斃民命五名。燬斃六名之詞。先後呈控。六月十八日。徐添義在卡外我出不全。枯骨二具。稱係該夷所害。該城以並無指證。未准相驗。七

月初十日。安玉賢即糾約馬興隆等。放火燒燬夷園貨物。洩忿。十四日二更時分。安玉賢等。同至王姓水磨地方。會齊。四更時分。安玉賢等。前赴夷園。首用葦子點燒該夷草堆。馬隆興等。亦各將火把點放。夷人驚起。即行奔逃。延燒幾盡。有匪徒乘機搶掠夷貨。次日塔城官眷。畏事奔逃。匪徒將夷貨夫帶出境。此民匪當日焚劫該夷情形也。現在查點燒贖貨物。統計該城檢獲交安集延之件。及委員查出之件。約價三萬餘兩。已一併存庫。應俟該夷來時。點清交付。其燒燬及搶去貨物。應於各犯中追賠。至民回等。呈告俄夷殺傷民人一節。查楊興瑞。於四年冬間。控稱該夷

燼死民人六名。安王賢馬興隆於五年五月。控稱該夷槍
斃民人五名。均經該城委員查驗。並無蹤跡。六月間。徐添
堯負出不全枯骨二具。八月又負來不全頭骨一具。經該
參贊併同驗明。均無傷痕。奏明在案。而徐添堯等。噤噤置
辯。稱係相驗不實。據委員哈布齊賢等。覆行檢驗。據仵作
劉呈吉等。驗報不全枯骨二具。內一具顙門等處。有鐵器
傷。肋骨有金刀傷。一具左膀左腰。有鐵器傷。餘骨均各無
存。又據劉呈吉供稱。膀骨脛骨。均非致命要害。其不全顙
骨一具。據驗報稱。顙顙係青黑色。左右腿脛骨。有鐵器傷。
並無烟燼形跡。均與原控不符。今徐添堯所拾不全枯骨。

三具。原控指係民人黃保子、郭登子、溫老五。三人尸骨。及至提訊。徐添堯又供稱。誤聽旁言。委實不知何人骨殖。質之眾犯。亦均不能指證。復飭員向徐添堯審問。復稱前因黃保子等三人。日久查無下落。是以疑係俄夷殺傷。至不全枯骨。委實不知何人骨殖等語。黃保子等。果被俄夷殺傷。徐添堯並未目擊。又豈能於荒山叢骨內。遽行辨認。且所驗鐵器等傷。亦與原控煙斃槍轟等傷不符。應將該仵作劉呈吉等。提傳來伊。質訊明確。以成信讞。至徐添堯等呈控薩碧屯。通夷害民各款。均無實據。訊與該參贊前次奏覆之語。大畧相同。又查該夷從前會議通商時。論及如

有殺傷民命情事。請帶回本國治罪。堅執不肯擬抵。是以
前經奏明。此後中國與俄夷。遇有重案。亦就近在伊犁訊
明定案。後將犯解往陝甘總督衙門。聽候部覆辦理。今民
匪燒搶。俄夷於大起後奔逃。至今未返。四次行文。令其派
人前來會商。上年十二月間。始據回稱。本處斷不能照來
咨辦理等語。此案夷人難以傳質。止可就此供情定擬。故
大故燒夷園。審係安玉賢為首。挾嫌誣控。審係徐添莢為
首。均應照例從重問擬。其乘機搶掠之犯。照奏定章程。解
往陝甘聽候部覆。已革候補防禦薩碧屯。辦理不善。與已
革筆帖式阿弼善。前往塔城。將夷房等項設法妥辦。以贖

硃批知道了。

前愆救火不力之都司文哲琿等先行撤任審究餘俟訊明擬結委員哈布齊賢等俟夷人有前來信息隨同辦理事宜文景一員尚有該管地方事務應飭先行回任。

己巳兩江總督怡良江蘇巡撫吉爾杭阿奏接據護蘇松太道藍蔚雯稟據英夷司稅哮嗒咽呈稱新製小火輪礮船屢經攻下俄囉斯礮臺城垣著有成效現在中國各處肆擾正宜買此輪船數隻掃除狂寇如肯允行該夷願立軍令狀效力戎行並將其船堅礮利與俄囉斯爭鬪獲勝情形繪圖九紙註明夷字稟呈前來臣等查前據該夷面

稟蓋蔚雲各國條約章程必求更改。否則恐致生事等情。
業經臣等奏蒙

聖鑒在案。今該夷因臣等正言拒絕。復以助順勦逆為詞。誇張其
船堅礮利。且有船身輕靈。礮火精妙。即至淺至窄之處。亦
可駛到之語。其意全係虛詞。恫喝情形。實屬叵測。臣等以
鎮江等處。非該夷人船應到之地。中國兵力。足制逆賊。死
命。毋庸借資夷力。批飭傳知遵照。並密飭該護道。隨機駕
馭。潛消其桀驁之心。遇有可疑之處。即隨時馳報。但夷情
詭譎。言必有因。細按其至淺至窄四字。竟將任其所之。能
否即行馴服。臣等實未敢深信。

硃批○近有廷寄○詢問汝等○能否雇用夷船○實與此事無涉○惟該夷既有此呈○前事更應斟酌○勿墮其術中○豫杜患萌○

庚午○庫倫辦事大臣德勒克多爾濟等奏○茲據俄夷文稱○請嚴禁華商與夷商越邊貿易○並令夷兵會同我兵入卡巡防等語○擬即咨駁○嗣後嚴禁越邊貿易等事○應令兩國卡兵各按境界巡防○以肅邊疆○不得令俄國巡兵入卡硃批○覽○所辦甚是○

丁丑○兩江總督怡良○江蘇巡撫吉爾杭阿奏○據護蘇松太道藍蔚雯稟○據喚夷哮嚙咽呈稱○福州關稅偷漏甚多○有商船一隻○裝茶葉出口○照例約該完稅銀二萬五千兩○該

船僅完稅銀一千七百兩。又福州自設關以來徵收茶稅。每擔一兩五錢。或一兩。或不及一兩。較上海之每擔按照稅則徵銀二兩五錢者。大有區別。又甯波關毫不稽查。全無稅則。運米出洋。亦不阻止。以致上海商情不服。見利思遷。數月以來。上海進口各船。皆係空出。前赴甯波裝米。及一切貨物。上海關稅必致立形短絀。議請檢查上海上年裝茶底帳。按數扣還。每擔五錢。留抵以後各稅。否則儘三箇月。暫准仿照福州關茶稅。每擔酌減五錢。俾得抵補上年之虧。以昭平允。免生事端。雖經該護道嚴詞駁飭。而本年正二兩月。所收吏稅。已形短少。稟請飛咨閩浙二省。嚴

行查辦等情。等。查夷情詭譎。善於蹈人之瑕。藉口挾制。而其所言。又必非無因。今福州關如果短價招徠。任聽偷漏。甯波關於貨物米糧出洋。毫無稽查。該夷惟利是視。勢必舍上海而往甯波。福州則上海關稅立即短絀。甯波福州。加增無幾。全局皆為掣動。適墮該夷減稅之計。且我馭夷之法。不過責其恪守成約。若竟自破藩籬。彼更有詞可藉。尋釁生事。實在意中。而其運米出洋。更屬有干例禁。相應請

旨。飭下福州將軍。閩浙總督。浙江巡撫。嚴查偷漏短稅。責令按照稅則。畫一徵收。並跟查將米賣給夷船之人。嚴行究辦。庶

五口不致辦理參差。夷稅不致日形短絀。

諭軍機大臣等。怡良。吉爾杭阿奏。英夷呈稱。福州商船一隻。裝茶出口。僅完稅銀一千七百兩。自設關以來。徵收茶稅。每擔一兩五錢。或不及一兩。較之上海。大有區別。又甯波關毫不稽查。全無稅則。運米出洋。亦不阻止。數月以來。上海各船。皆係空出。關稅必致短絀。請檢查上年底帳。按數扣還。留抵各稅。否則暫准仿照福州關茶稅酌減等語。各口關稅。自應畫一徵收。如果福州關短價招徠。任聽偷漏。甯波關於米糧貨物出洋。漫無稽查。不但上海關稅立見短絀。且恐墮該夷減稅之計。況運米出洋。尤干例禁。著有鳳王懿德。何桂清嚴密確查。各該省徵收關稅。

是否有偷漏等弊。與上海關稅。何以互相參差。糧米出洋。何以不行禁止。吏情詭譎。亦難保非藉詞尋釁。該將軍督撫等。務即按照所奏各情。詳細查明。據實具奏。原片著鈔給閱看。

癸未。庫倫辦事大臣德勒克多爾濟等奏。據俄吏文稱。春融時。派兵前赴松花江下游等語。請由理藩院。及黑龍江吉林將軍。作速行文俄國。阻止夷官。不得帶兵侵占地界。並請令各該將軍等。嚴飭官兵。於各要隘。不時巡查。預為

防範。

諭軍機大臣等。據德勒克多爾濟等奏。請飭理藩院。迅速咨覆俄羅斯薩納特衙門。並懇行知黑龍江等處將軍。暗為防範一摺。

當經降旨令吉林黑龍江將軍等仍遵前旨妥為辦理矣。因思此時若由理藩院咨覆俄囉斯薩納特衙門與爾三人從前所行之文不合轉致該夷疑貳務須暗為留心防範斷不可另生事端。

又

諭德勒克多爾濟等奏接據俄夷來文一摺。俄囉斯借分界為名欲將黑龍江松花江左岸以及海口均分給伊國守護。屢次諭令奕格景瀄等會同勘定以杜要求。嗣據該將軍等奏稱該夷阻冰登陸已由陸路回國。雖經過江面尚無滋擾情事。而聲言明年仍有船隻前來不可不加防範。現在春暖冰融將交夏令。